

**BRČKO DISTRIKT
BOSNE I HERCEGOVINE
PRAVOSUDNA KOMISIJA
BRČKO DISTRIKTA
BOSNE I HERCEGOVINE**

**PLAN RADA
ZA 2022. GODINU**

Brčko, decembar 2021. godine



Trg pravde 10, 76100 Brčko distrikt Bosne i Hercegovine; tel: 049/217-955; fax: 049/235-070; mail: pkbd@pkbd.ba
Трг правде 10, 76100 Брчко дистрикт Босне и Херцеговине; тел: 049/217-955; факс: 049/235-070; е-пошта: pkbd@pkbd.ba

UVOD

Statutom Brčko distrikta Bosne i Hercegovine - prečišćeni tekst („Službeni glasnik Brčko distrikta Bosne i Hercegovine“, broj 2/10 - u daljem tekstu: Statut Distrikta), članom 71. stav (1) propisano je da se zakonom osniva Pravosudna komisija Brčko distrikta BiH (u daljem tekstu: Pravosudna komisija).

Zakonom o Pravosudnoj komisiji Brčko distrikta BiH („Službeni glasnik Brčko distrikta BiH“, br. 19/07, 20/07, 2/08, 04/21 i 06/21), članom 2. propisano je da je Pravosudna komisija samostalno i od drugih organa vlasti Brčko distrikta BiH nezavisno tijelo koja svoja ovlaštenja obavlja u okviru djelokruga utvrđenog Statutom Distrikta.

Članom 14. Zakona o Pravosudnoj komisiji propisano je da će Pravosudna komisija obavljati slijedeće poslove:

- obezbjeđivanje nezavisnosti Osnovnog i Apelacionog suda, Tužilaštva Distrikta, Kancelarije za pravu pomoć i Pravobranilaštva,
- obezbjeđivanje stručnog usavršavanja sudija, tužilaca, pravobranioca, advokata Kancelarije za pravnu pomoć i stručnih saradnika u pravosuđu i Tužilaštvu Distrikta,
- donošenje i sprovođenje etičkog kodeksa zaposlenih u pravosuđu (izuzimajući sudije Osnovnog i Apelacionog suda), zaposlenih u Tužilaštvu Distrikta (izuzimajući tužioce), Pravobranilaštva, Kancelarije za pravnu pomoć uključujući pokretanje disciplinskog postupka zbog kršenja kodeksa,
- imenovanje i razrješenje pravobranioca i njegovih zamjenika,
- imenovanje i razrješenje direktora Kancelarije za pravnu pomoć i advokata Kancelarije,
- imenovanje i razrješenje stručnih saradnika i pripravnika u Osnovnom i Apelacionom sudu, Tužilaštvu Distrikta, Kancelariji za pravnu pomoć i Pravobranilaštvu,
- pripremu i dostavljanje Skupštini zakona koji se odnose na organizaciju i rad Osnovnog i Apelacionog suda, Tužilaštva Distrikta, Pravobranilaštva i Kancelarije za pravnu pomoć, kao i na regulisanje rada advokata i notara u Distriktu,
- imenovanje notara i regulisanje rada notara u Distriktu,
- pripremanje i predlaganje Skupštini onog dijela budžeta Distrikta kojim se obezbjeđuju operativni troškovi za rad Osnovnog i Apelacionog suda, Tužilaštva Distrikta, Pravobranilaštva i Kancelarije za pravnu pomoć i za rad Pravosudne komisije,

- ostvarivanje saradnje s ministarstvima pravde i drugim nadležnim institucijama u BiH,
- izbor člana za Visoko sudsko i tužilačko vijeće BiH,
- utvrđuje potreban broj advokata u Kancelariji za pravnu pomoć,
- donosi i daje saglasnost na pravilnike kojima se reguliše rad Osnovnog i Apelacionog suda, Tužilaštva Distrikta, Pravobranilaštva i Kancelarije za pravnu pomoć i Stručne službe Pravosudne komisije,
- donosi pravilnike o uslovima za obavljanje poslova vještačenja i poslova sudskih tumača,
- imenuje i razrješava dužnosti komandira Sudske policije i određuje broj sudskih policajaca,
- objavljuje javni konkurs i vrši izbor za sva upražnjena radna mjesta službenika i namještenika u Osnovnom i Apelacionom sudu, Tužilaštvu Distrikta, Kancelariji za pravnu pomoć i Pravobranilaštvu i stručnoj službi Pravosudne komisije,
- najmanje dva puta godišnje razmatra izvještaj o radu Osnovnog i Apelacionog suda, Tužilaštva Distrikta, Pravobranilaštva i Kancelarije za pravnu pomoć i Pravosudne komisije, te ih u vidu informacija dostavlja Skupštini ukoliko nije drugačije regulisano posebnim zakonima,
- koordinira projekte koje je pokrenulo Visoko sudsko i tužilačko vijeće BiH, a koje se odnosi na poboljšanje rada sudova i Tužilaštva i efikasnost upravljanja predmetima,
- unapređuje rad Pravobranilaštva, Kancelarije za pravnu pomoć i Stručne službe Pravosudne komisije,
- obavlja i druge poslove utvrđene Ustavom BiH, Statutom Distrikta i zakonima.


Pravosudna komisija ima sjedište u Brčkom, ul. Trg pravde br. 10. Pravosudnu komisiju čini devet članova i to:

1. predsjednik Ustavnog suda BiH ili sudija tog suda koga on odredi kao svog zamjenika;
2. predsjednik Apelacionog suda;
3. predsjednik Osnovnog suda;
4. glavni tužilac;
5. direktor Kancelarije za pravnu pomoć;
6. pravobranilac;
7. tri građana Distrikta.

Pravosudna komisija ima predsjednika i potpredsjednika Komisije koji se biraju iz reda članova Komisije, sa mandatom od četiri godine, a po isteku mandata mogu biti ponovo birani. Predsjednik predstavlja i zastupa Pravosudnu komisiju, a u njegovoj odsutnosti zamjenjuje ga potpredsjednik.

Tehničko-računovodstvene, poslove informacione tehnologije, stručne i administrativne poslove za potrebe pravosuđa obavlja Stručna služba Pravosudne komisije.

ORGANIGRAM PRAVOSUDNE KOMISIJE BRČKO DISTRIKTA BiH



PLAN RADA

- Normativne aktivnosti:

Pravosudna komisija će u 2022. godini, uz stručnu, administrativnu i tehničku podršku Stručne službe, u skupštinsku proceduru uputiti slijedeće zakone:

I- polugodište

- Zakon o advokaturi Brčko distrikta BiH,
- Zakon o izmjenama i dopunama Zakona o izvršenju krivičnih sankcija, pritvora i drugih mjera u Brčko distriktu BiH,
- Zakon o izmjenama i dopunama Zakona o izvršnom postupku Brčko distrikta BiH

II- Polugodište

- Zakon o izmjenama i dopunama Zakona o notarima Brčko distrikta BiH,
- Zakon o izmjenama i dopunama Zakona o krivičnom postupku Brčko distrikta BiH,
- Zakon o izmjenama i dopunama Krivičnog zakona Brčko distrikta BiH,

Takođe, tokom 2022. godine Pravosudnoj komisiji biće dostavljeni, na usvajanje, slijedeći podzakonski akti:

- Pravilnik o izmjenama i dopunama Pravilnika o internoj kontroli trošenja budžetskih sredstava pravosuđa Brčko distrikta BiH,
- Pravilnik o izmjenama i dopunama Pravilnika o korištenju i održavanju službenih vozila u institucijama pravosuđa Brčko distrikta BiH,
- Izmjene i dopune Procedura o kretanju računovodstvene dokumentacije u institucijama pravosuđa Brčko distrikta BiH,
- Izmjene i dopune Procedure rukovanja gotovim novcem u institucijama pravosuđa Brčko distrikta BiH,

- Strategija za reformu sektora pravde BiH

- Pravosudna komisija će tokom 2022. godine, preuzimati aktivnosti i participirati u izradi Strategije za reformu sektora pravde u BiH i Akcionog plana za period 2021-2027 i po njihovom usvajanju preuzimati aktivnosti za provođenje strateških programa predviđenih ovim aktima, a sve u cilju stvaranja efikasnog, efektivnog i koordiniranog sistem pravde u BiH koji je odgovoran prema svim građanima BiH i potpuno usklađen sa EU standardima i najboljom praksom, garantujući vladavinu prava.

- EU integracije

- Pravosudna komisija će tokom 2022. godine, nastaviti rad vezano za EU integracije, što uključuje rad u Pododboru za pravdu, slobodu i sigurnost, radnim grupama imenovanim u procesu evropskih integracija na lokalnom nivou i nivou BiH, te će kontinuirano saradivati sa Odjeljenjem za evropske integracije i međunarodnu saradnju Vlade Brčko distrikta BiH i Derekcijom za EU integracije BiH. Pravosudna komisija će i dalje kontinuirano pratiti i implementirati obaveze usklađivanja zakonskih i podzakonskih akata čiji je ovlaštenu predlagač, sa odgovarajućim normativima Evropske unije.

- Borba protiv korupcije

- Pravosudna komisija će putem delegiranih predstavnika učestvovati u izradi nove Strategije za borbu protiv korupcije u Brčko distriktu BiH i Akcionog plana za implementaciju strategije za borbu protiv korupcije Brčko distrikta BiH, u saradnji sa Kancelarijom za prevenciju korupcije i koordinaciju aktivnosti na suzbijanju korupcije Brčko distrikta BiH. Po usvajanju navedenih dokumenata, radiće se na njihovoj implementaciji i realizaciji, kao i na edukaciji službenika u oblastima borbe protiv korupcije i povećanju transparentnosti rada.

- Edukacija

- U pogledu edukacije sudija, tužilaca, stručnih saradnika i pripravnika sudova Distrikta i Tužilaštva Distrikta, Pravosudna komisija će nastaviti saradnju sa Entitetskim Centrima za edukaciju sudija i tužilaca, a po programu početne obuke i stručnog usavršavanja. U skladu sa usvojenim programom početne obuke i stručnog usavršavanja entitetskih centara za edukaciju sudija i tužilaca za 2022. godinu, Pravosudna komisija će u toku 2022. godine biti domaćin i suorganizator najmanje jednog seminara, a planirano je da se pored tog seminara, održi još edukativnih aktivnosti iz programa u Brčko distriktu BiH. Kroz rad u organizacionom odboru za godišnje savjetovanje iz krivične oblasti (Neum) Pravosudna komisija će uzeti učešće u planiranju i realizaciji i ove aktivnosti.

- Vezano za edukaciju službenika i namještenika u pravosuđu Brčko distrikta BiH, Pravosudna komisija će u narednom periodu, u skladu sa usvojenim Planom stručnog usavršavanja službenika i namještenika u pravosuđu Brčko distrikta BiH za 2022. godinu, planirati i organizovati seminare za službenike i namještenike uvažavajući iskazane potrebe pravosudnih institucija i obaveze koje proizilaze iz usvojenih strateških dokumenata.

- Rad za opšte dobro na slobodi

Pravosudna komisija će u 2022. godini nastaviti sa izvršenjem presuda sudova Distrikta, kojim su kazne zatvora zamjenjene radom za opšte dobro na slobodi. S tim u vezi, putem službenika Pravosudne komisije, vršiće uvid u izvršenje rada

osuđenih lica i dostavljati zaključne izvještaje o izvršenom radu Osnovnom sudu Distrikta.

- Informisanje javnosti

- U 2022. godini javnost će biti redovno obavještavana o radu Apelacionog i Osnovnog suda, Tužilaštva, Kancelarije za pravnu pomoć, Pravobranilaštva i Pravosudne komisije. Takođe, putem službenika za informisanje redovno će obavljati poslovi vezani za pristup informacija koje su pod kontrolom pravosudnih institucija.

- Nastaviće se redovne aktivnosti vezano za uređivanje internet stranice Pravosudne komisije objavljivanjem dnevnih redova, usvojenih zapisnika i značajnih odluka donesenih na sjednicama Pravosudne komisije.

- Lista stalnih sudskih vještaka i tumača u Brčko distriktu BiH

- Stručna služba Pravosudne komisije će u 2022. godini nastaviti aktivnosti određene pravilnicima o uslovima, načinu i postupku upisa na listu stalnih sudskih vještaka i tumača u Distriktu, konkretno, vršiće sve aktivnosti vezano za pripremu i izradu rješenja o davanju i oduzimanju odobrenja za vršenje ovih poslova, te aktivnosti oko vođenja i redovnog ažuriranja liste stalnih sudskih vještaka i stalnih sudskih tumača u Brčko distriktu BiH.

- Pravosudna komisija će nastaviti, u skladu sa Zakonom o sudovima Brčko distrikta BiH i gore navedenim podzakonskim aktima, odlučivati o žalbama izjavljenim protiv prvostepenih rješenja u postupku davanja/oduzimanja odobrenja za upis/brisanje sa lista stalnih sudskih vještaka/tumača.

- Lista stečajnih upravnika u Brčko distriktu BiH

- Pravosudna komisija će tokom 2022. godine u skladu sa Zakonom o stečaju i Zakonom o likvidacionom postupku i usvojenim podzakonskim aktima, raditi na poslovima imenovanja stečajnih upravnika kao i na poslovima vođenja i revidiranja Liste stečajnih upravnika.

- Registar testamenata i drugih nasljednopravnih poslova

- Pravosudna komisija će u toku 2022. godine kontinuirano preduzimati sve aktivnosti na vođenju Registra testamenata i drugih nasljednopravnih poslova, koja obaveza je propisana Zakonom o nasljeđivanju Brčko distrikta BiH.

- Evidencija o službenim legitimacijama sudija u Brčko distriktu BiH

- U skladu sa Odlukom o obrascu i izgledu službene legitimacije za sudije u Brčko distriktu BiH, Stručna služba Pravosudne komisije će kontinuirano preduzimati sve aktivnosti na izdavanju legitimacija, a potom i ažurnom vođenju evidencije o izdatim legitimacijama sudija u Distriktu.

- Vođenje personalnih poslova za sve zaposlene u pravosudnim institucijama

- Stručna služba će u 2022. godini, u skladu sa Zakonom o službenicima i namještenicima u pravosuđu Brčko distrikta BiH i podzakonskim aktima, nastaviti sa urednim vođenjem personalnih poslova za sve zaposlene u pravosudnim institucijama. S tim u vezi, putem službenika za personalne poslove izdavaće potvrde i druge akte vezane za radno-pravni status zaposlenih u pravosudnim institucijama.

- Upravljanje privremeno oduzetom imovinom u krivičnom postupku

- U skladu sa Zakonom o upravljanju privremeno oduzetom imovinom i podzakonskim aktima, Stručna služba Pravosudne komisije upravlja i raspolaže privremeno oduzetom imovinom i ove poslove obavljaće i u toku 2022. godine kroz izvršavanje rješenja Osnovnog suda Brčko distrikta BiH.

- Nadzor nad radom notara u Brčko distriktu BiH

- U toku 2022. godine Pravosudna komisija će nastaviti aktivnosti u pogledu vršenja nadzora nad radom notara u Brčko distriktu BiH. Osim toga, u toku 2022. godine radiće se i na unapređenju zakonskog i podzakonskog okvira kojima je regulisan rad i status notara u Brčko distriktu BiH.

- Projekti

- Nastaviće se kontinuirani rad na finalizaciji i implementaciji projekta o uspostavljanju poslovanja na jednom mjestu „ONE-STOP-SHOP“, te drugih projekata koji su u toku iz prethodnih godina, kao i novi projekti pod pokroviteljstvom Viskog sudskog i tužilačkog vijeća BiH i drugih relevantnih domaćih i stranih institucija i organizacija.

- Ostale aktivnosti

- Pravosudna komisija će nastaviti saradnju sa državnim i entitetskim ministarstvima pravde, Visokim sudskim i tužilačkim vijećem BiH, sa entitetskim Centrima za edukaciju sudija i tužilaca, nevladinim organizacijama, koje se bave reformom pravnog sistema u Bosni i Hercegovini i drugim stranim organizacijama iz sektora reforme pravosuđa. Takođe, putem delegiranih predstavnika, Pravosudna komisija će učestvovati u radu radnih grupa imenovanih

na državnom nivou, kako od strane Pravosudne komisije, tako i od strane Vlade Brčko distrikta BiH, odnosno gradonačelnika Distrikta.

- Putem delegiranog predstavnika nastaviće sa radom u Nadzornom tijelu za praćenje provođenja Državne strategije za rad na predmetima ratnih zločina.

- U toku 2022. godine, biće pružena stručna pomoć Komisiji za uslovni otpust osuđenih lica u Brčko distriktu BiH, u vidu pripreme i dostavljanja gradonačelniku Brčko distrikta BiH Odluke kojom se reguliše rad Komisije za 2022. godinu, te kontinuiranog postupanja u smislu izvršenja obaveza u skladu sa donesenom Odlukom.

- Pravosudna komisija i Stručna služba će i dalje vršiti obradu molbi za pomilovanje i premještaj osuđenih lica, pružanje međunarodne pravne pomoći, kao i izradu odluka, rješenja i zaključaka usvojenim na sjednicama Pravosudne komisije.

- Stručna služba vršiće i poslove prijema dopisa, zahtjeva, molbi, i drugih pismena koje predaju institucije i građani, te dostavljati odgovore u saradnji sa predsjednikom Pravosudne komisije.

FINANSIJSKA SLUŽBA

Finansijska služba pravosuđa u 2022. godini će raditi po slijedećem planu rada:

- Redovne aktivnosti finansijske službe

- izrada projekcije prihoda za period 2023-2025. godina za potrebe izrade Dokumenta okvirnog budžeta (DOB-a);
- izrada Dokumenta okvirnog budžeta (DOB-a) za period 2023-2025.godina, na osnovu „Budžetske instrukcije broj 1“;
- prikupljanje podataka za izradu prijedloga operativnog i kapitalnog budžeta za 2023. godinu, u skladu sa „Budžetskom instrukcijom broj 2“;
- izrada prijedloga operativnog i kapitalnog budžeta za sve pravosudne institucije za 2023. godinu;
- učestvovanje u radu Skupštinske komisije za Budžet prilikom usvajanja budžeta Pravosuđa za 2023. godinu;
- izrada i ugradnja amandmana u prijedlog budžeta Pravosuđa za 2023. godinu;
- izrada konačne verzije budžeta Pravosuđa za 2023. godinu, nakon usvajanja od strane Skupštine;
- izrada prijedloga i konačne verzije rebalansa budžeta Pravosuđa za 2022. godinu, po ukazanoj potrebi;
- podnošenje zahtjeva za unutrašnju preraspodjelu odobrenih budžetskih sredstava za 2022. godinu u skladu sa Zakonom o izvršenju budžeta;

- prijem, kufiranje, kontrola i plaćanje računa dobavljačima za primljene robe, izvršene radove i pružene usluge;
- izrada tenderske dokumentacije i pokretanje procedure javnih nabavki za sve pravosudne institucije u skladu sa ZJN BiH;
- podnošenje „Zahtjeva za nabavku“ na osnovu izrađenih tenderskih dokumentacija Pododjelu za javne nabave.
- otvaranje „Naloga za nabavku“ i praćenje realizacije istih do konačne isporuke i prijema roba, radova i usluga.
- kontiranje i knjiženje finansijske dokumentacije za sve pravosudne institucije u svrhu praćenja izvršenja budžeta ;
- vođenje blagajni i porto blagajni za sve pravosudne institucije ((plaćanja, zaprimanja kaucija, vođenje blagajničkih knjiga (nalog blagajni da naplati, nalog blagajni da isplati), provođenje blagajničkih naloga kroz blagajnički dnevnik, kontiranje blagajničke dokumentacije te kontrola i likvidacija iste));
- isplata vještaka, svjedoka i tumača po dostavljenim troškovnicima i rješenjima;
- isplata advokata po rješenjima postupajućih sudaca;
- praćenje izvršenja operativnog i kapitalnog budžeta;
- usuglašavanje izvršenja budžeta na kontima klase 6 za sve pravosudne institucije sa stanjem u glavnoj knjizi;
- vođenje evidencija o prisustvu zaposlenika na poslu na propisanim obrascima radi obračuna plata;
- izrada izvještaja (izvještaji o izvršenju operativnog i kapitalnog budžeta, izvještaj o provedenim postupcima nabavke i dr.);
- izrada dopisa i prijedloga te pružanje pomoći iz oblasti finansijske i računovodstva u radu svim zaposlenim;
- usuglašavanje naplaćenih prihoda Osnovnog suda i Pravobraniteljstva sa stanjem u glavnoj knjizi
- praćenje prometa (uplata i isplata) na depozitnom računu Osnovnog suda
- provođenje aktivnosti vezanih za popis stvari, materijalnih prava, potraživanja i obaveza institucija Pravosuđa Brčko distrikta BiH.

- Posebne aktivnosti finansijske službe

- po ukazanoj potrebi učestvovanje u pripremi zakona i drugih provedbenih propisa kao i izrada pravilnika kojima se regulira rad službe; briga o poštivanju provođenja propisa kako u radu službe tako i u provođenju istih od strane institucija Pravosuđa.
- po ukazanoj potrebi učestvovanje na radionicama i sastancima organiziranim od strane evropske komisije i priprema potrebnih akata u cilju realizacije dodijeljenih sredstava u okviru odobrenih projekata, kao i pravdanje utroška istih;
- po ukazanoj potrebi učestvovanje na simpozijumima, seminarima i radionicama organiziranim od strane strukovnih institucija iz oblasti računovodstva i revizije u cilju stručnog usavršavanja zaposlenika službe.

IT SLUŽBA

U toku 2022. godine Služba informacionih tehnologija će raditi po slijedećem planu rada:

- Redovno održavanje IT sistema

Redovno održavanje:

- Računarske mreže i serverske infrastrukture (HyperV virtualizacijska platforma, Active Directory, Exchange server, WSUS, AV, VOIP, serveri baza podataka i aplikacija, serveri sistema tehničkog obezbjeđenja, file serveri),
- Sistema za Disaster Recovery i redovan backup podataka,
- Održavanje klijentskih računara,
- Održavanje opreme za štampanje, skeniranje i kopiranje,
- Održavanje baza podataka i aplikacija registra zemljišta i registra poslovnih subjekata u Osnovnom sudu,
- Održavanje aplikacija VSTVA koje se koriste u pravosudnim institucijama BD: CMS, TCMS, SOKOP, RNKPE i sl.
- Održavanje sistema za vođenje zapisnika i snimanje sudskih rasprava, sistema za prezentaciju dokaza, sistema za saslušanje daljinskim putem, sistema za saslušanje maloljetnih lica i zaštićenih svjedoka,
- Održavanje i ažuriranje web stranica pravosudnih institucija.

- Realizacija kapitalnih IT projekata

- Očekuje se konačno privođenje poslova na izradi softwarea za registar poslovnih subjekata gdje postoji značajno kašnjenje od strane izvođača kojeg je angažovao donator.

- Planira se okončanje dvije započete nabavke računarske opreme u 2021. (u prvoj su četiri, a u drugoj dva lota koja se odnose na pravosuđe) koje se realizuju na nivou svih organa BD. Sva oprema po ovim nabavkama bi trebala biti isporučena u 2022. i mora biti instalirana i stavljena u funkciju od strane ove službe.

- Krajem 2021. objavljen je tender za nabavku softwarea za digitalizaciju zemljišnih knjiga u Osnovnom sudu i početkom 2022. sprovodiće se aktivnosti na implementaciji ovog ugovora.

- U prvoj polovini 2022. radiće se na izradi tenderske dokumentacije za software za upravljanje predmetima u Pravobranilaštvu.

- Provođenje politike sigurnosti informacionog sistema

- Jedan od prioriteta službe biće provođenje Politike sigurnosti informacionog sistema koju je propisalo Visoko sudsko i tužilačko vijeće BiH i implementacija Akcionog plana i Odluke o načinu i postupku provođenja Politike sigurnosti.

Provođenje dijela plana koji se odnosi na organizacione i tehničke mjere, a koji ne zahtijeva dodatna finansijska ulaganja, biće moguće provesti uz angažman kako svih zaposlenih u službi, tako i svih zaposlenih u pravosudnim institucijama u smislu potpunog prihvatanja politike i promjena u svakodnevnom radu koje ona nameće. Provođenje drugog dijela tehničkih mjera biće moguće uz prethodno pribavljanje odgovarajućih finansijskih sredstava i iste će se realizovati ako za to budu odobrena sredstva u Budžetu.

- Podrška korisnicima IT sistema

- Služba će nastaviti da pruža kontinuiranu podršku korisnicima IT sistema, te vrši po potrebi obuku korisnika.

- Obuka i usavršavanje zaposlenika IT službe

- Pristupiće se obuci zaposlenika IT službe za nove Windows OS, Exchange email server, SQL bazu podataka i dr. tehnologije koje se koriste u pravosuđu, ukoliko epidemiološke mjere budu dozvoljavale organizaciju seminara i edukacija.

- Održavanje ostalih tehničkih sistema

- Ova služba će kao i dosada učestvovati u održavanju sistema koji i nisu primarno IT sistemi: sistema tehničkog obezbjeđenja (video nadzor, protivprovala, kontrola pristupa, vatrodajava, panik dojava, razglas, IC barijere, skeneri prtljaga, skener pošte, metal detektorska vrata i sistem besprekidnog napajanja), sistem grijanja, hlađenja i ventilacije i sistema protivpožarne zaštite.

- Potrebno je početkom 2022. ugovoriti eksternu firmu za usluge održavanja sistema protivpožarne zaštite pa je s tim u vezi potrebno sačiniti odgovarajuću tendersku dokumentaciju.

SUDSKA POLICIJA BRČKO DISTRIKTA BiH

Sudska policija Brčko distrikta BiH (u daljem tekstu: Sudska policija) pruža pomoć Apelacionom i Osnovnom sudu u skladu sa zakonom, u smislu pribavljanja informacija, izvršenja naloga suda za dovođenje učesnika u sudskom postupku, sprovođenja osuđenih osoba u ustanove za izvršenje sankcija izrečenih presudama suda, održavanja reda u sudnici, osiguranja sudija i službenika suda, kao i drugih osoba unutar suda, internog osiguranja zgrade suda, te izvršavanja drugih naloga suda.

- Sigurnost pravosudnih institucija

- Sudska policija će u 2022. godini nastaviti sa izvođenjem kontinuiranog osiguranja objekata pravosudnih institucija. Osiguranje će biti organizovano sa neophodnim brojem sudskih policajaca, u zavisnosti od iskazanih sigurnosnih potreba, korištenjem kombinovanog sistema fizičke i tehničke zaštite.

- U tom smislu će se ostvariti puna saradnja sa zaposlenim u Službi za informacione tehnologije zaduženim za praćenje i održavanje elemenata sistema tehničke zaštite, kao i sa zaposlenim zaduženim za prijem i usmjeravanje posjetilaca u zgradi pravosudnih institucija u skladu sa Uputstvom o radu zaposlenika fizičkog i tehničkog osiguranja.

- Realizacija naredbi suda

- Sudska policija će u narednoj godini postupati po naredbama suda kojke se odnose na sporvođenje u kazneno-popravne institucije, dovođenje osoba sa adrese u Brčko distriktu BiH, dovođenje osoba iz kazneno-popravnih institucija. Radiće se i na realizaciji drugih zahtjeva suda kao što su: uručenja pismena, provjera adresa, osiguranje suđenja, asistencija sudskim izvršiteljima i dr.

- Sudska policija će u skladu sa svojim nadležnostima postupati i po zahtjevima Tužilaštva u skladu sa Sporazumom o pružanju pomoći obavljanjem sigurnosnih poslova.

- O preduzetim aktivnostima po svakoj konkretnoj naredbi blagovremeno će se obavještavati nadležna pravosudna institucija.

- Nakon izrade izvještaja o radu za 2021. godinu, izvršiće se analiza podataka, naročito uzroka nerealizovanja naredbi, kako bi se procenat realizacije poboljšao u predstojećem periodu, posebno u dijelu koji se odnosi na nepronalazak osoba koje su u trenutku potraživanja odsutne sa adrese, ali se ne nalaze izvan Brčko distrikta BiH.

- Takođe, preduzimaće se i druge neophodne mjere u zavisnosti od drugih uzroka do koji se dođe analziom.

- Doprinos poboljšanju sigurnosnih i zakonskih standarda

- Predstavnik Sudske policije će aktivno učestvovati u radu Radne grupe Visokog sudskog i tužilačkog vijeća BiH za sigurnost pravosudnih institucija i nosilaca pravosudnih funkcija u BiH, kao i Radne grupe Vijeća Evrope po pitanju Evropske konvencije za zaštitu ljudskih prava i postupanja policije prema osobama lišenim slobode u zatvorskom okruženju. Komunikacija po navedenim pitanjima će se odvijati u skladu sa mogućnostima, s obzirom na pandemiju virusa COVID-19.

- Izvještavanje i obuka

- Sudska policija će sastavljati mjesečne, šestomjesečne i godišnje izvještaje o radu i dostavljati ih predsjedniku Pravosudne komisije. Predsjednik Pravosudne

komisije će biti obaviješten o svim sigurnosno interesantnim događajima koji su proistekli iz poslova Sudske policije i postupanja po naredbama.

- U skladu sa uočenim potrebama u toku godine će se organizovati obuka sudskih policajaca, a teme će biti određene iz važećih propisa po kojima postupka Sudska policija. Teme, kao i drugi elementi obuke biće predviđeni Planom i programom obuke, a realizacija i ostvareni rezultati će biti obuhvaćeni godišnjim izvještajem o radu Sudske policije.

- Održavanje i nabavka MTS

- U toku 2022. godine će se izvršiti nabavka dijelova uniforme za koje po važećim propisima ističe rok trajanja, kao i drugih materijalno-tehničkih sredstava, te će se po tom pitanju ostvariti saradnja sa računovodstvom Pravosudne komisije.

- U toku 2022. godine će se upućivati zahtjevi Pododjeljenju za održavanje službenih vozila radi izrade predmjera radova za servise službenih vozila, kao i za produženje registracije vozila.

- Prijedlozi izmjena propisa

- Sudska policija će i u 2022. godini, s ciljem izjednačavanja radnog statusa sudskih policajaca i policijskih službenika Policije Brčko distrikta BiH, pratiti i podnositi prijedloge za usklađivanje postojećih zakonskih rješenja.

- Unapređenje rada

- U toku 2022. godine će se raditi na poboljšanju kvaliteta postupanja po zahtjevima suda kroz preciziranje određenih smjernica i protokola postupanja po konkretnim predmetima.

- Takođe, radiće se na poboljšanju postojećih pravilnika, radnih evidencija, kao i na kreiranju novih potrebnih elektronskih evidencija.

Broj: SuPK-00-1654/21
Brčko, 17.12.2021. godine

